

lia, animalia, & mineralia, & quod in tribus istis res omneis comprehensæ sient: Omneis namque herbæ, omnia ligna, & arbores vegetabiles nuncupantur: dein omnia viua animalia, aut quicquid sub carne & sanguine comprehensum est, animale: tandem etiam omnia metalla, & lapides, aliæque res, quæ nullam de se flammam edunt, minerales sunt, atque sub natura minerali comprehenduntur.

Vides itaque, frater mi, quod res omneis in diuersa tria nomina diuisa, sub iisdemque complexa sient. Etiam si vero in tria peculiaria nomina distributa sunt, nihilominus tamen omnia vnum dumtaxat habent principium, à quo animantur, vel nascuntur: Per diuersam siquidem coctionem prima ista materia tres in vias transmutatur, & juxta coctionis qualitatem, vnica ista atque vulgaris substantia diuersas naturas largitur. Quocirca iterum, quemadmodum & antea, tibi fideliter consulo, vt nimirum omneis sophisticas Chemicorum sublimationes, solutiones, coagulationes, & putrefactiones, vna ridiculis fabulis anilibus, quibus etiamnum hodie operam dant, deseras, & solummodo simplici naturalique coctioni rectarum verarumque substantiarum adhæreas, id quod, certo hoc tibi affirmo, ad veram naturarum substantiam ducet, atq; comitabitur. Natura enim per nullam rem viamque aliam aut exaltatur vel corrigitur, nisi solummodo per naturalem essentiarum coctionem. Est namque, frater mi, essentia res præcipua, cujus gratia sponsa chorcas ducit. Nihilominus tamen sophistici Chيميци tam tam rudes, rerumque imperiti sunt, vt illud stolido suo sensu comprehendere nequeant, sed de die in

63. 253.